



**МОНГОЛ УЛСЫН  
ЗАМ, ТЭЭВРИЙН ХӨГЖЛИЙН ЯАМ**

14251 Улаанбаатар хот,  
Сүхбаатар дүүрэг, Чингисийн өргөн чөлөө 11,  
Утас: (976) 51-267168, Факс: (976) 11-312315,  
E-mail: info@mrtfd.gov.mn, http://www.mrtfd.gov.mn

2022.02.22 № 03/765  
танай \_\_\_\_\_-ны № \_\_\_\_\_-т

“МТЗ” ТӨХК, “УБТЗ” ХНН,  
“ГТХЗНТ” УТҮГ, “МИАТ” ТӨХК, “ИНЕГ”,  
“АТҮТ” ТӨҮГ, “ЗТХТ” ТӨҮГ, “ДЗ”  
УТҮГ-ЫН ДАРГА, ЗАХИРАЛ  
НАРТ

Монгол Улсын Засгийн газрын 2021 оны  
“Монгол Улсын 2022 оны төсвийн тухай хуулийг  
хэрэгжүүлэх талаар авах зарим арга хэмжээний  
тухай” 388 дугаар тогтоолын хэрэгжилтийг хангаж  
ажиллахыг даалгаж байна.

Хавсралт. Сангийн яамны 2022 оны 6-1/777  
тоот албан бичиг.

ТӨРИЙН НАРИЙН БИЧГИЙН  
ДАРГА  С.БАТБОЛД



080000649

Боловсруулсан:

Хянасан:

Хувь: 1

Огноо: 2022.02.21

Ш. Сүрэнгэр



## МОНГОЛ УЛСЫН САНГИЙН ЯАМ

15160 Улаанбаатар хот, Чингэлтэй дүүрэг,  
С.Данзангийн гудамж 5/1, Засгийн газрын II байр,  
Утас/факс: (976-51) 26 74 68, И-мэйл: info@mof.gov.mn  
Вэбсайт: www.mof.gov.mn

дэд. од. 16 № 6-1/447  
танай \_\_\_\_\_-ны № \_\_\_\_\_-т

ЗАМ, ТЭЭВРИЙН ХӨГЖЛИЙН  
ЯАМНЫ ТӨРИЙН НАРИЙН БИЧГИЙН  
ДАРГА С.БАТБОЛД ТАНАА

### Монгол Улсын 2022 оны төсвийн тухай хуулийг хэрэгжүүлэх тухай

Коронавируст халдвар /Ковид-19/-ын цар тахлын үед эдийн засгийг сэргээж төсвийн орлого нэмэгдүүлэх, төрийн байгууллагын зардлын үр ашгийг сайжруулах, төрийн үйлчилгээний чанар, хүртээмжийг нэмэгдүүлэх, төсөв хэмнэх, төсвийн сахилга батыг чангатгаж зорилгоор Монгол Улсын Засгийн газар 2021 оны 12 дугаар сарын 22-ны өдөр "Монгол Улсын 2022 оны төсвийн тухай хуулийг хэрэгжүүлэх талаар авах зарим арга хэмжээний тухай" 388 дугаар тогтоолыг баталсан.


Уг тогтоолд бүх шатны төсвийн захирагч нарыг дөрвөн чиглэлийн хүрээнд хэмнэлт гаргаж ажиллахыг даалгасан ба үүнд төсвийн хөрөнгөөр бараа, ажил, үйлчилгээ худалдан авахтай холбоотой зарим арга хэмжээний зардлыг 100 хувь хязгаарлах асуудал багтсан болно.

Иймд Засгийн газрын 2021 оны 388 дугаар тогтоолын 5 дахь хэсэгт заасан төсвийн хэмнэлтийн чиглэлээс өөрт хамааралтай хэсгийг дагаж мөрдөхөд онцгой анхаарч 2022 оны төсвийн жилд төсвийн хөрөнгөөр автомашин, тавилга эд хогшил, ном хэвлэл худалдан авах, уралдаан тэмцээн, сурталчилгаа болон киноны уран бүтээл хийх, тэмдэглэлт ой, баяр ёслолын арга хэмжээ зохион байгуулах, бэлэг дурсгалын зүйл бэлтгэхэд зориулж худалдан авах ажиллагаа зохион байгуулахгүй байхын зэрэгцээ Засгийн газрын тогтоолыг хэрэгжүүлэх талаар харьяа байгууллагын удирдлагуудад холбогдох чиглэл өгч ажиллахыг хүсье.

Хэрэв Засгийн газрын тогтоолд заасан хязгаарласан асуудлаар худалдан авах ажиллагааг зохион байгуулсан тохиолдолд төсвөөс санхүүжилт олгохгүй болохыг анхаарна уу.

Засгийн газрын 2021 оны 388 дугаар тогтоолыг хавсаргав.

ТӨРИЙН НАРИЙН  
БИЧГИЙН ДАРГА



Ж.ГАНБАТ

9766001702



# МОНГОЛ УЛСЫН ЗАСГИЙН ГАЗРЫН ТОГТООЛ

2021 оны 12 дугаар  
сарын 22-ны өдөр

Дугаар 388

Улаанбаатар  
хот

Монгол Улсын 2022 оны төсвийн тухай хуулийг хэрэгжүүлэх  
талаар авах зарим арга хэмжээний тухай

Монгол Улсын Засгийн газрын тухай хуулийн 7 дугаар зүйлийн 2 дахь хэсэг, Төсвийн тухай хуулийн 10.1.7, 10.1.11, "Монгол Улсын 2022 оны төсвийн тухай хууль батлагдсантай холбогдуулан авах арга хэмжээний тухай" Улсын Их Хурлын 2021 оны 88 дугаар тогтоолыг тус тус үндэслэн Монгол Улсын Засгийн газраас ТОГТООХ нь:

1. Уул уурхайн бүтээгдэхүүний экспортыг нэмэгдүүлж Монгол Улсын 2022 оны төсвийн тухай хуулийн хэрэгжилтийг хангуулах зайлшгүй шаардлагын хүрээнд дор дурдсан арга хэмжээ авч хэрэгжүүлэхийг Засгийн газрын дараахь гишүүдэд даалгасугай:

1.1. коронавирусын халдварын тархалтаас хамгаалах, урьдчилан сэргийлэх бүх талын арга хэмжээ авч, уул уурхайн экспортыг нэмэгдүүлэх, хилийн боомтын үйл ажиллагааг хэвийн горимд шилжүүлэх асуудлаар БНХАУ-ын эрх бүхий байгууллага, албан тушаалтантай 2 талын яриа, уулзалт зохион байгуулж, экспортын ачаа тээврийн эргэлтийг эрс сайжруулах, хилийн боомтод халдвар хамгааллын тусгайлсан дэглэм сахиулах ажиллагааг нэгдсэн удирдлага, зохион байгуулалтаар хангаж ажиллахыг Монгол Улсын Шадар сайд С.Амарсайханд, 2 талын гадаад харилцааны хүрээнд дипломат шугамаар харилцах шаардлагатай арга хэмжээг шуурхай авч хэрэгжүүлэхийг Гадаад харилцааны сайд Б.Батцэцэгт;

1.2. чингэлэг тээврийн асуудлаар БНХАУ-ын талаас тавьсан саналыг судалж, Гашуунсухайт, Шивээхүрэн боомтод чингэлэг тээврийн терминал барьж, ашиглалтад оруулах, гаалийн шинэчлэлийн хүрээнд хийгдэж байгаа Гашуунсухайт, Шивээхүрэн, Замын-Үүд хилийн боомтын бүтээн байгуулалтын ажлыг эрчимжүүлж, боомтын нэвтрэх хүчин чадлыг нэмэгдүүлэхийг Сангийн сайд Б.Жавхланд;

1.3. орчин үеийн өндөр хүчин чадал бүхий рентген, тоног төхөөрөмж бүхий гаалийн төрөлжсөн лабораторийг ашиглаж, уул уурхайн экспортын бүтээгдэхүүний хэмжээ, чанар, агуулгыг тодорхойлж, хилийн хяналт, шалгалтыг чирэгдэл багатай, шуурхай зохион байгуулж ажиллахыг Сангийн сайд Б.Жавхлан, Гаалийн ерөнхий газар (Б.Асралт)-т;

1.4. Тавантолгой-Гашуунсухайт чиглэлийн төмөр замын бүтээн байгуулалт, холбогдох дэд бүтцийн ажлыг 2022 онд багтаан дуусгахыг Зам, тээврийн хөгжлийн сайд Л.Халтарт.

5. Төсвийн хэмнэлтийн горимд дараахь чиглэлийг баримтлан ажиллаж өр, авлага үүсгэхгүй байх арга хэмжээ авч, төсвийн зарцуулалтад хяналт тавьж ажиллахыг төсвийн ерөнхийлөн, төвлөрүүлэн, шууд захирагч нарт тус тус даалгасугай:

5.1. бүх төрлийн сургалт, семинар, хурал, зөвлөгөөнийг цахим хэлбэрээр зохион байгуулах;

5.2. сайд нар нэгээс илүүгүй зөвлөх, туслахтай байх, дэд сайд, Төрийн нарийн бичгийн дарга нар дундаа нэг туслахтай, Засгийн газрын агентлагт хуульд өөрөөр заагаагүй бол нэгээс илүүгүй дэд даргатай, дарга нь зөвлөхгүй байх;

5.3. төрийн захиргааны чиг үүргийг хэрэгжүүлдэг төсвийн байгууллагаас тэтгэвэрт гарсан хоёр албан хаагч тутамд орон тооны нэг нөхөн томилгоо хийх;

5.4. бүх шатны төсвийн байгууллагын гадаад албан томилолт, зочин төлөөлөгч хүлээн авах, тавилга, эд хогшил, ном хэвлэл худалдан авах болон хэвлүүлэх, сурталчилгаа хийх, бэлэг дурсгалын зүйлс бэлтгэх, биеийн тамирын уралдаан тэмцээн, салбарын болон байгууллагын тэмдэглэлт ой, баяр ёслолын арга хэмжээ зохион байгуулах, салбартай холбоотой киноны уран бүтээл хийх, төрийн захиргааны төв байгууллагуудын тээвэр, шатахууны зардал, төрийн тусгай чиг үүргийн байгууллагаас бусад төрийн байгууллагууд шинээр автомашин худалдан авах зардал, захиргааны албан контор шинээр барих зардлыг тус тус 100 хувь, бүх шатны төрийн байгууллагын бичиг хэргийн зардлыг 50 хувь, коронавируст халдварын цар тахалтай тэмцэж байгаа эрүүл мэнд, онцгой байдал, цагдаа, мэргэжлийн хяналт, хил, гаалийн байгууллагаас бусад бүх шатны төрийн байгууллагын дотоод албан томилолтын зардлыг 50 хувь тус тус хэмнэх чиглэл баримтлах.

6. Төсвийн байгууллагын нийтлэг үйлчилгээ (цэвэрлэгээ, харуул хамгаалалт, төвлөрсөн бус халаалт, хоол үйлдвэрлэл, бүх төрлийн засвар, автомашины үйлчилгээ)-г гүйцэтгэж байгаа ажилчдыг сайн дурын үндсэн дээр өөрсдийнх нь санаачилгаар төрийн болон орон нутгийн өмчит компани, аж ахуйн тооцоогой улсын үйлдвэрийн газар, эсхүл хувийн хэвшлийн хуулийн этгээдээр гүйцэтгүүлэх зохион байгуулалтын арга хэмжээг эрх хэмжээнийхээ хүрээнд авч хэрэгжүүлэхийг Засгийн газрын гишүүд, аймаг, нийслэл, сум, дүүргийн Засаг дарга нарт тус тус даалгасугай.

7. Энэ тогтоолын 6-д заасан нийтлэг үйлчилгээг төрийн болон орон нутгийн өмчит компани, аж ахуйн тооцоот үйлдвэрийн газар, хувийн хэвшлийн хуулийн этгээдээр гүйцэтгүүлэхэд дараахь чиглэл баримтлахыг төсвийн ерөнхийлөн захирагч нарт даалгасугай:

7.1. нийтлэг ажил, үйлчилгээг хувийн хэвшил, төрийн болон орон нутгийн өмчит компаниар гүйцэтгүүлэх зорилго нь гагцхүү ажилчдын цалин хөлс, тэтгэмж, урамшуулал зэрэг нийгмийн баталгааг нэмэгдүүлэхэд чиглэсэн байх;

7.2. санаачилгыг төсвийн байгууллага болон түүний харьяалах дээд шатны төсвийн захирагч дэмжсэн бол түүнийг нь орон нутгийн засаг захиргаа хэлэлцэж зохих бэлтгэл хангасны үндсэн дээр Сангийн яам төсөвт холбогдох зохицуулалт хийх;

8.3.2. анхан шатны тусламж үйлчилгээний санхүүжилт, хүртээмжийг нэмэгдүүлэх, анхан болон лавлагаа шатлалын эрүүл мэндийн байгууллагаас үзүүлсэн тусламж, үйлчилгээний чанар, үр дүнг хянах болон сахилга бат, хариуцлагын тогтолцоо бүрдүүлэх;

8.3.3. иргэн цахимаар болон үүрэн холбооны хэрэгсэл ашиглан эрүүл мэндийн байгууллагаас авсан тусламж үйлчилгээний төлбөрөө хянах үйлчилгээг нэвтрүүлэх;

8.3.4. эрүүл мэндийн даатгалын сангаас санхүүжүүлэх тусламж, үйлчилгээний тарифыг эрүүл мэндийн тусламж, үйлчилгээний чанар хүртээмжийг нэмэгдүүлэхэд чиглүүлж шинэчлэх;

8.3.5. төсвийн хувьд хагас бие даасан тогтолцоонд шилжин ажиллах төрийн өмчит эрүүл мэндийн байгууллагын төлөөлөн удирдах зөвлөлийг байгуулах ажлыг 2022 онд багтаан дуусгах, тусламж, үйлчилгээний санхүүжилтийн зарцуулалтын сахилга бат, хариуцлагыг чангатгах;

8.3.6. эм, эмнэлгийн хэрэгслийн төвлөрсөн худалдан авалтын тогтолцоо бүрдүүлж, эмчилгээний үр дүнтэй, баталгаатай, хямд аюулгүй эм, эмнэлгийн хэрэгслийн нөөц бүрдүүлж, тусламж, үйлчилгээний өртөг, зардлыг бууруулах.


8.4. Орон нутаг дахь соёл, биеийн тамир, спортын байгууллагын төсвийг үйлчилгээний чанар, хүрэх үр дүнгийн гүйцэтгэлд нь үндэслэж хуваарилах аргачлал боловсруулж санхүүжүүлэх, хэрэгжилтэд хяналт тавьж ажиллахыг Соёлын сайд Ч.Номин, Сангийн сайд Б.Жавхлан, Биеийн тамир, спортын улсын хороо (Ц.Шаравжамц)-нд;

8.5. Төрийн үйлчилгээний чанар, хүртээмжийг салбарын төсөвтэй уялдуулж, үр дүнг үнэлэх тогтолцоо бий болгох чиглэлээр санхүү, төсвийн асуудал эрхэлсэн төрийн захиргааны байгууллагатай хамтран ажиллахыг төсвийн ерөнхийлөн захирагч нарт.

9. Орон нутаг дахь нийгмийн суурь үйлчилгээ үзүүлдэг төсвийн байгууллагын үл хөдлөх болон хөдлөх хөрөнгийн ашиглалтын урсгал болон их засварын зардлыг орон нутгийн төсвөөс санхүүжүүлэх болсонтой холбогдуулан дараахь арга хэмжээ авахыг холбогдох албан тушаалтанд даалгасгай:

9.1. ерөнхий боловсролын сургууль, хүүхдийн цэцэрлэг, сумын эрүүл мэндийн төв, соёлын төв, театр, чуулга, музей, номын сан, спорт заал, усан бассейн, мэргэжлийн болон техникийн боловсрол сургалтын төвийн хэвийн үйл ажиллагааг доголдуулахгүй байх, өмч хөрөнгийг зориулалтын дагуу ашиглах, тогтмол зардлын өр үүсгэхгүй байхаар тооцож халаалт, засвар, үйлчилгээг эдийн засгийн хувьд үр ашигтай байдлаар зохион байгуулах, дулааны хэрэглээг тоолууртай болгох, энэ талаар Засгийн газрын холбогдох гишүүнээс агентлагийн дарга, аймаг, нийслэлийн Засаг даргатай жил бүр байгуулах гэрээнд тусгуулах арга хэмжээ авч, гэрээний хэрэгжилтийг дүгнүүлж ажиллахыг Боловсрол, шинжлэх ухааны сайд Л.Энх-Амгалан, Эрүүл мэндийн сайд С.Энхболд, Соёлын сайд Ч.Номин, Сангийн сайд Б.Жавхлан, Биеийн тамир, спортын улсын хороо (Ц.Шаравжамц)-нд;

14. Энэ тогтоолын хэрэгжилтэд хяналт тавьж ажиллахыг Сангийн сайд Б.Жавхланд үүрэг болгосугай.



Л.ОЮУН-ЭРДЭНЭ

Б.ЖАВХЛАН